
“Ташаббусли бюджет”: Чилон маҳалласининг 3 минг метрдан зиёд ички йўллар асфальтланди

Қува туманида “Ташаббусли бюджет” лойиҳаси асосида ҳудудларда яшовчи аҳолининг йиллар давомида йиғилиб қолган энг долзарб масалалар ҳал этилмоқда.

Мазкур лойиҳада ўз ташаббуслари билан фаол қатнашган маҳаллалардаги йўл, ичимлик суви, электр таъминоти билан боғлиқ муаммолар босқичма-босқич ўз ечимини топмоқда.

Чилон маҳалласининг аҳолиси ҳам мазкур лойиҳада фаол иштирок этиб, ўз ташаббусларининг ғолиблар қаторидан ўрин олишига эришди.

Мазкур маҳалла ҳудудидаги ички йўлларининг таъмирга муҳтожлиги, ёзда чанг, қишда лой бўлиши маҳалла аҳолисини узоқ йиллардан бери қийнаб келарди. Бугун ушбу муаммога ташаббусли бюджет жараёни ечим бўлди.

Ташаббусни амалга ошириш учун 1 миллиард 200 миллион сўм маблағ ажратилиб, Мансурамин ва Ўрда кўчаларининг 3 минг 66 метр қисмига асфальт ётқизиш ишлари амалга оширилмоқда.

2023-03-11 19:04:15